

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2016թ.

N ----- -Ն

**ՈՐՈՇՈՒՄ**

**ՁԱՀԱՆԳԻՐ ԱՂԱՅԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 23-րդ կետի դրույթներով, Հայաստանի Հանրապետության կառավարության 2005 թվականի դեկտեմբերի 29-ի N 2387-Ն որոշմամբ հաստատված կարգի 4-րդ կետով՝

**Երևան քաղաքի ավագանին որոշում է.**

Երևան քաղաքի Ավան վարչական շրջանի Շահինյան փողոցի 4-րդ նրբանցքն անվանակոչել եզրինների ազգային հերոս Ջահանգիր աղայի անվամբ՝ «Ջահանգիր աղայի փողոց»:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ – ՀԻՄՆԱՎՈՐՈՒՄ

### «ՋԱՆԱՆԳԻՐ ԱՂԱՅԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

Եզդի ժողովրդի ազգային հերոս Ջահանգիր աղան ծնվել է **1874**թ. Վանի գավառի Չիբուխլի գյուղում, եզդիների ցեղապետ Խատիֆ աղայի ընտանիքում:

**1888**թ. հոր մահից հետո Ջահանգիր աղան դարձել է ցեղի առաջնորդ: Նա եղել է Վանի գավառի **12** եզդիաբնակ գյուղերի ղեկավար:

Ցեղասպանության տարիներին Ջահանգիր աղան, իր զինվորականների օգնությամբ, ապահովել է հայ և եզդի գաղթականների անվտանգ տեղաշարժը Արևելյան Հայաստան:

**1915**թ. տեղափոխվել է Արևելյան Հայաստան և բնակություն հաստատել Ապարանի Ջառջառիս գյուղում:

Ջահանգիր աղան ակտիվ մասնակցություն է ցուցաբերել **1918**թ. Սարդարապատի և Բաշ-Ապարանի ճակատամարտերին: Նա իր ենթակայության տակ գտնվող **1500** հոգանոց հեծյալ ջոկատով մասնակցել է ճակատամարտի ողջ ընթացքին:

Հայկական բանակի կազմում ևս Ջահանգիր աղան՝ Դրաստամարտ Կանայանի հրամանատարությամբ շարունակել է պայքարը: Հայկական և ռուսական զորամասերի հետ Ջահանգիր աղայի ջոկատներն ակտիվ մասնակցել են նաև Կարսի, Սարիղամիշի մարտերին:

**1918**թ. քաջության և խիզախության համար Ջահանգիր աղան պարգևատրվել է «Գևորգյան» խաչով:

**1938**թ. աքսորվել է: Ջահանգիր աղան մահացել է **1943**թ. աքսորավայրում, որտեղ էլ հանձնվել է հողին: **1956**թ. նա արդարացվել է:

Ջահանգիր աղայի անվամբ Երևան քաղաքում փողոց անվանակոչելու վերաբերյալ միջնորդություններ են ներկայացվել «Եզդի և հայ ժողովուրդների բարեկամություն» հասարակական կազմակերպության նախագահ Ս. Բաքոյանի, «Մինջար» եզդիների ազգային միավորում հասարակական կազմակերպության նախագահ Բ.Թամոյանի, «Հայասա» երիտասարդական հասարակական կազմակերպության նախագահ Ս.Մկրտչյանի, ՀՀ քաղաքացիներ Սուրեն Խատոյանի և Վազիր Խատունի կողմից:

Հիմք ընդունելով վերոգրյալը և ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի **12**-րդ հոդվածի **1**-ին մասի **23**-րդ կետի դրույթներով, Հայաստանի Հանրապետության կառավարության **2005** թվականի դեկտեմբերի **29**-ի N **2387**-Ն որոշմամբ հաստատված կարգի **4**-րդ կետով՝ Երևան քաղաքի ավագանու քննարկմանն է ներկայացվում սույն առաջարկությունը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

**ՏԵՂԵԿԱՆՔ**

**«ՋԱՀԱՆԳԻՐ ԱՂԱՅԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆԻ  
ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՍԲ ԵՐԵՎԱՆԻ ԲՅՈՒՋԵՈՒՄ  
ԼՐԱՑՈՒՄՆԵՐ ԵՎ/ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ջահանգիր աղայի անվամբ փողոց անվանակոչելու մասին» որոշման նախագծի ընդունման կապակցությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

**ՏԵՂԵԿԱՆՔ**

**«ՋԱՀԱՆԳԻՐ ԱՂԱՅԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ  
ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՍԲ ԱՅԼ ԻՐԱՎԱԿԱՆ ԱԿՏԵՐՈՒՄ  
ԼՐԱՑՈՒՄՆԵՐ ԵՎ/ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ջահանգիր աղայի անվամբ փողոց անվանակոչելու մասին» որոշման նախագծի ընդունման կապակցությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**